

## ELKARTEAREN ESTATUTUAK

### LEHENENGO KAPITULUA

#### IZENA ETA LEGE-ARAU BIDEA

1. artikulua.- 2011ko irailaren 29an, AS/B/16244/2011 erregistro-zenbakiarekin inskribatutako Bilboko **ASOCIACIÓN 5 DE OCTUBRE (DOCENTES JUBILADOS DE BIZKAIA)** entitatearen estatutu hauek aldatu egin dira, Euskadiko Elkarteei buruzko ekainaren 22ko 7/2007 Legean eta Elkartzeko Eskubidea arautzen duen martxoaren 22ko 1/2002 Lege Organikoan ezarritakoaren arabera eta Euskal Herriaren Autonomia Estatuaren 9. eta 10.13 artikuluetan azaltzen denarekin bat etorritik.

Elkartea arau hauen mende egongo da: aipatutako elkarteei buruzko legeak, Estatutu hauek (legearen aurkakoak ez badira), elkartearen gobernu-organismoek behar bezala hartutako erabakiak (legearen edota estatutuen aurkakoak ez badira) eta Eusko Jaurlaritzak onesten dituen erregelamenduzko xedapenak (azken horiek osagarriak izango dira).

#### ELKARTEAREN XEDEAK

2. artikulua.- Elkarte honen xedeak honako hauek dira:

**A).- Bazkideei hezkuntza-eremuarekin eta hezkuntza-erakundeekin kontaktuan jarraitzera animatu; modu horretara, beraien eskarmentua eta ekarpenak baliatuz, hainbat egoera eta jardueretan laguntza eskaini eta parte hartu dezaten.**

**B).-Elkarkideen arteko harremanak bultzatu.**

**C).-Ekintza kulturalak, olgeta-jarduerak eta prestakuntzarako ekintzak antolatu.**

**D).-Dagokie eskubideak errebindikatu**

**E).-Hezkuntza, eta bereziki, hezkuntza publikoaren aldeko iritzi korronteak eta irakasleen prestigioa bultzatu.**

Aurreko helburuak burutzeko, legeak markatzen duen baldintzak kontutan hartuta, ekintza desberdinak egingo dira, hala-hola:

**a).- Hitzaldiak, ikastaroak, mintegiak eta tailerrak, izaera kulturala eta prestakuntzakoak.**

**b).- Bisitaldi eta bidai kulturalak eta turistikoak antolatu.**

**c).- Erakunde desberdinekin kolaborazioa profesionala eduki.**

**d).- Beste irakasle jubilatuen elkarterekin harremanak ezarri.**

Aurreko atalean izan diren ekintzaz gain eta Elkartearen helburuak lortzeko beste hauek ere izan ditzake:

- Edozein ekintza ekonomikoa garatu Elkartearen helburuak lor ditzake.
- Ondasuna desberdinak lortu edozein ekintza edo kontraturen bidez, legea markatzen duen barruan.
- Mota guztietako ekintzak egin, adostuta Legearekin eta Estatutuekin

### ELKARTEAREN EGOITZA

3. artikulua.- Elkarte honen egoitza Asturias kalea, 9.zk. BILBO 48015 behin behineko helbidean egongo da.
- Elkarteak beste lokal batzuk ere eduki ditzake Autonomia Erkidegoan, Batzar Orokorrak hala erabakitzen badu.

### LURRALDE – EREMUA

4. artikulua.- Elkarte honek nagusiki lurralde-eremu honetan gauzatuko ditu bere zereginak: Bizkaiko Lurralde Historikoan.

### IRAUPENA ETA DEMOKRAZIA-ARAU

5. artikulua.- Elkarte iraunkorra izateko eratu da, eta VI. kapituluan esaten den bezala ezohiko batzar orokorrean hartutako erabaki bidez baino ezingo da desegin, edo legeetan aurreikusitako arrazoiren batengatik.
- Elkartearen funtzionamendua eta barne-antolamendua demokratikoa izango da, eta pluraltasuna erabat errespetatuko da. Erabat deusezak izango dira elkarteko oinarritzko eskubidearen alderdietako edozein betetzen ez duten itunak, estatutu-xedapenak eta erabakiak.

### BIGARREN KAPITULUA

#### AGINTE- ETA ADMINISTRAZIO-ORGANOAK

6. artikulua.- Elkartearen agintea eta administrazioa kide anitzeko organo hauen esku egongo da:
- Bazkideen Batzar Orokorra izango da organo gorena.
  - Zuzendaritza Batzordea izango da kide anitzeko zuzendaritza-organoa iraunkorra.

#### BATZAR OROKORRA

7. artikulua.- Batzar Orokorra bazkide guztiek osatzen dute, eta organo honen bidez adierazten dira bazkideen nahiak.

Batzar Orokorraren ahalmenak:

- a) Elkartearen jarduera-plan orokorra onartzea.
- b) Urteko kontuak eta hurrengo ekitaldiko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Elkarte desegitea.
- f) Zuzendaritza Batzordea osatzen duten kide guztiak aukeratzea eta kargutik kentzea; eta horiek guztiak ikuskatu eta kontrolatzea. Zuzendaritza Batzordeari beraien kide bakarreko karguak izendatzeko ahalmena ematea.
- g) Beste elkarte batzuekin batera federazioak eta konfederazioak osatzea, edota horietatik ateratzea.
- h) Ondasun higiezinak erabili edo besterentzeko erabakiak hartzea.
- i) Aginte-organoko kideei ordaindu egin behar zaiela erabakitzea, hala komeni bada.
- j) Kuota arruntak eta bereziak ezartzea. Ahalmen hau, hala ere, Batzar Orokorrak aginte-organoiari eskuordetu diezaiolke horretarako bereziki hartutako erabakiaren bidez.
- k) Bazkideak behin betiko kanporatzeko erabakia hartzea.
- l) Beste organo sozialen bati esleitu gabeko beste edozein eskumen.

8. artikulua.- Batzar Orokorrak ohiko bilkurak eta ezohiko bilkurak egingo ditu.
9. artikulua.- Batzar Orokorrak gutxienez urtean behin egin beharko du ohiko bilkura: **lehenengo** hiruhilekoan izango da, 7. artikuluko a), b) eta c) idatz-zatietan zehaztutako erabakiak hartzeko.
10. artikulua.- Batzar Orokorra Zuzendaritza Batzordeak erabakitzen duenean bilduko da ezohiko bilkuran, bere ekimenez edota bazkideen %**20**(e)k eskatu duelako. Bilkura eskatzeko arrazoiak eta helburuak azaldu beharko dira baina, nolana ere, honako gaiak aztertzeko eta erabakitzeko bilduko da:
- a) Estatutuak aldatzeko.  
B) Elkartea desegiteko.
11. artikulua.- Batzar Orokorra biltzeko deialdiak idatziz egin behar dira, eta bilkuren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egiten denetik gutxienez hamabost egun pasatu beharko dira bilkura lehen deialdian egiteko. Hala badagokio, bigarren deialdiaren data eta ordua ere adieraz daitezke. Dena dela, deialdi batetik bestera gutxienez ordu erdiko tartea utzi beharko da.
- Batzar orokorrak, ohikoak nahiz ezohikoak, lehenengo deialdian balio osoz eratuta geratuko dira botoa emateko eskubidea duten elkartekideen herena bertaratzen bada; eta bigarren deialdian, botoa emateko eskubidea duten elkartekideen kopurua edozein dela ere.
12. artikulua.- Batzar Orokorraren erabakiak gehiago soilz hartuko dira, hau da, bertaratuen nahiz ordezkatuena baiezko botoak ezezkoak baino gehiago direnean. Alabaina, bertaratuen edo ordezkatuena gehiago osoa beharko da (erdia + 1, alegia) erabaki hauek hartzeko:
- a) Elkartea desegitea.  
b) Estatutuak aldatzea.  
c) Ondasunak erabili edo besterentzea.  
d) Ordezkaritza-organoko kideei ordaintzea.
13. artikulua.- Bazkideek beste edozein bazkideren esku utzi dezakete batzar orokorretara joateko ordezkaritza. Ordezkaritza hori idatziz eskuordetu beharko da, eta Batzarreko idazkariari eman bilera baino gutxienez **ordu erdi** lehenago. Bazkideek ordezkaritza beste norbaiten esku uzteko agiria posta arruntaz edo elektronikoaz bidali dezakete.

#### ZUZENDARITZA-BATZORDEA

14. artikulua.- Zuzendaritza Batzordea da Batzar Orokorraren xedapen eta zuzentarauei jarraikiz elkartearen interesak kudeatu eta ordezkatzeko dituen organoa. Elkartekideek baino ezingo dute osatu ordezkaritza-organoa.
- Zuzendaritza Batzordea osatuko dutenak honakoak izango dira:
- Lehendakaria, Lehendakariordea, Idazkaria, Diruzaina, 1. ahotz kide, 2. ahotz kide, 3. ahotz kide eta 4. ahotz kide.**
- Gutxienez hiruhilekoan behin bildu beharko dute, eta elkartearen ekintzak bideratzeko beharrezkoa den guztietan.
15. artikulua.- Zuzendaritza Batzordeko kideren bat bilera horietara **lau** aldiz jarraian, edo, tarteka **sei** aldiz agertzen ez bada, dagokion kargua utzi egin beharko du, hutsegite horiek ez baditu arrazoitzen.
16. artikulua.- Batzar Orokorrak hautatuko ditu Zuzendaritza Batzordeko kideak. Kargu horiek **bi** urterako izendatuko dira Batzordeak berariaz baliogabetu ezean. Kargudun berbera behin eta berriro hautatu ahal izango da.

17. artikulua.- Zuzendaritza Batzordeko kide izateko, ezinbestean baldintza hauek bete beharko dira:
- a) Eskubide zibil guztien jabe izatea, eta indarrean dauden legeetan ezarritako bateraezintasun-arrazoirik ez izatea.
  - b) Estatutuetan aurreikusitako moduan izendatua izatea.
  - c) Elkarteko bazkidea izatea.
18. artikulua.- Batzar Orokorrek hautatutako Zuzendaritza Batzordeko kideen artean kide bakarreko karguak hautuko dira: Lehendakaria, Lehendakariordea, Idazkaria eta diruzaina. Zuzendaritza Batzordeko lehenengo bileran izendatuko dira eta kargua onartuko dute.
- Zuzendaritza Batzordeko kideen dieta eta gastuak ordaintzea erabaki dezake Batzar Orokorrek.
19. artikulua.- Zuzendaritza Batzordeko kideek kasu hauetan utziko dituzte karguak:
- a) Aginte-aldia bukatzen denean.
  - b) Dimititzen baldin badute.
  - c) Bazkide izateari uzten diotenean, edo kargua betetzeko ezintasun-arrazoiak dituztenean.
  - d) Estatutu hauetako 16. artikulua aplikatuz, Batzar Orokorrek kargua baliogabetzea erabakitzen duenean.
  - e) Hiltzen baldin badira.
- “a)” idatz-zatian agertzen dena baldin bada kargua uzteko arrazoia, Zuzendaritza Batzordeko kideek jardunean jarraituko dute lehenengo batzar orokorra egin arte. Batzar horretan aukeratuko dira kargudun berriak.
- b), c), d) eta e) idatz-zatietan agertzen dena baldin bada arrazoia, hutsik gelditutako kargua betetzeko norbait behin-behingo izendatuko du Zuzendaritza Batzordeak, eta Batzar Orokorrek erabakiko du izendapena onetsi ala ez. Ezetsi egiten badu, behar diren kargu-izendapenak egingo ditu.
- Organo honen osaeran egiten diren aldaketa guztien berri emango zaio Elkartearen Erregistroari.
20. artikulua.- Honako hauek dira Zuzendaritza Batzordearen zereginak:
- a) Elkarrearen eguneroko kudeaketaz arduratzea, Batzar Orokorren jarraibideekin bat etorriz eta haren kontrolpean.
  - b) Elkarrearen aurrera eramango dituen ekintzen egitaraua egitea.
  - c) Gastu eta sarreraren urteko aurrekontua eta aurreko urteko kontuen egoera-orria Batzar Orokorren aurkeztea, hark onar ditzan.
  - d) Batzar Orokorren bilereko gai-zerrendak egitea, eta ohiko nahiz ezohiko batzar orokorretarako deialdiak egitea erabakitzea.
  - e) Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.
  - f) Estatutu hauetako aginduak interpretatzea eta Estatutuetako hutsuneak betetzea, betiere elkarrearen inguruan indarrean dauden legeekin bat etorriz.
  - g) Batzar Orokorrek berariazko erabakien bidez ematen dizkion eskumenak erabiltzea, betiere ez badira haren eskumen eskusibokoak.
21. artikulua.- Zuzendaritza Batzordearen bilkurak lehendakariak erabaki edo batzordekide batek eskatzen duen bakoitzean egingo dira. Bilkurako buru lehendakaria izango da, ez balego, lehendakariordea; eta horien faltan, batzordekide zaharrena.
- Bere eginkizunak garatu ahal izateko, Zuzendaritza Batzordeak onartu ahal ditu, behin behineko moduan, beste bazkide batzuk edota kanpoko pertsonak laguntzaile edo aholkulari gisa.
- Elkarteko ekintzen edo talde antolatuen arduradunak (Zuzendaritza Batzordekoak ez direnak) noizean behin bertaratu daitezke Zuzendaritza Batzordeko bilerean baldin eta beharrezkotzat hartzen bada.
- Batzordeak hartutako erabakiak baliokoak izateko, biltzen diren batzordekideen gehiengoak aldeko botoa eman behar du. Horretarako, gutxienez batzordekideen kopuruaren erdiak egon beharko du bilkuran. Berdinketarik egonez gero, lehendakariaren kalitateko botoa izango da erabakiko duena.
- Idazkariak bilera-aktak egingo ditu eta akta horiek gero dagokion liburuan transkribatuko dira.

## ZUZENDARITZA BATZORDEKO KARGUAK

### LEHENDAKARITZA

22. artikulua.- Lehendakariak beregain hartuko du elkartearen legezko ordezkariak, eta Zuzendaritza Batzordeak eta Batzar Orokorrak hartutako erabakiak gauzatuko ditu. Era berean, aipaturiko bi organo horietako lehendakaria izango da.
23. artikulua.- Lehendakariak honako hauek denak egiteko ahalmena izango du:
- Zuzendaritza Batzordearen eta Batzar Orokorraren bilera-deiak egin, bilerak bukatutzat eman, bileretan sortzen diren eztabaidak bideratu, eta boto-berdinketa gertatuz gero kalitate-botoarekin erabakitzea.
  - Elkartearen ekintzen egitasmoa Zuzendaritza Batzordeari proposatzea eta elkartearen zereginak bultzatu eta bideratzea.
  - Balioztasunez erabakitako ordainketak egiteko agintzea.
  - Sortzen diren premiazko arazoak konpontzea, eta egiten den lehenengo bilkuran Zuzendaritza Batzordeari horren berri ematea.
  - Batzar Orokorrak berariazko erabaki bidez ematen dizkion eskumenak erabiltzea, betiere ez badira haren eskumen eskusibokoak.

### LEHENDAKARITZAORDEA

24. artikulua.- Lehendakariordeak lehendakariari lagunduko dio, eta lehendakariak aldi batean bere kargua bete ezin badu, lehendakariordeak ordezkatzeko du. Era berean, lehendakariak berariaz eskuordetzen dizkion ahalmen guztiak izango ditu.

### IDAZKARITZA

25. artikulua.- Idazkariari dagokio, zehazki, elkartearen sartzeko eskabideak jaso eta izapidetzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.

Era berean, elkartearen arloan indarrean dauden legezko xedapenak betetzeaz arduratuko da, erakundearen agiri ofizialak zainduz, elkarteko liburuaren eta artxiboaren edukia egiaztatuz eta Zuzendaritza Batzordeko izendapenen eta egoitza sozialaren aldaketan berri emateko egin beharreko jakinerazpenak eginez agintari eskudunari.

### DIRUZAINITZA

26. artikulua.- Egindako diru-sarrera eta ordainketen berri emango du diruzainak, eta diru-sarrera eta gastuen urteroko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu behar dizkio, eta horrek Batzar Orokorrari, hark onartu ditzan.

### AHOTZ KIDEAK

27. artikulua.- Ahotz kideek beren karguei datxezkien funtzioak izango dituzte, Zuzendaritza Batzordeko kideak diren aldetik (elkartearen zuzendaritza eta kudeaketa arrunta), baita batzordeak berak eskatzen dizkiena ere.

## HIRUGARREN KAPITULUA

### BAZKIDEAK: ONARTUAK IZATEKO BALDINTZA ETA PROZEDURAK, ETA BAZKIDE-MOTAK

28. artikulua.- Elkartekide izan nahi eta baldintza hauek betetzen dituzten pertsona guztiak izan daitezke elkarteko bazkide arruntak:
- Publiko edo pribatu estamentutako irakasle jubilatuak edota euren legezko bikoteak, "5 de Octubre" Elkartearen parte hartzeko eta Elkarte honek dituen estatutuak errespetatzeko konpromisoa baldin ba dute.**
  - Norberaren eskubideak erabiltzeko inolako lege-baldintzaren menpe ez egotea eta ebazpen judizial irmoaren bidez eskubideen erabilera mugatuta ez edukitzea.**

Salbuespen gisa, elkartekideak izan daitezke, **bazkide sinpatizante** gisa, honako baldintza hauek betetzen dituztenak(nahiz eta irakasle jubilatua edo hauen ezkontideak edo izatezko bikoteak ez izan):

-Bazkide arruntaren sendikoa edo laguna izatea: Egiatzatu ahal izateko idazki bat, eta gutxienez hiru bazkideren sinadurekin, Zuzendaritza Batzordeari aurkeztu behar dizkiote, haien eskaria adierazten.

-Jubilatua izatea.

Bazkide sinpatizanteen kopurua ezin izango da bazkide arruntaren kopuruaren %10a baino handiagoa.

Batzar Orokorrak, beharrezkoa bada, ohorezko bazkideak edota bazkide babesleak onartuko ditu. Era berean aipatutako bazkide mota horiek onartzeko baldintzak zehaztuko ditu.

29. artikulua.- Elkartean sartu nahi duenak idatziz aurkeztu beharko du bere eskabidea, Lehendakariari zuzenduta eta Lehendakariak eskaeraren berri emango dio Zuzendaritza Batzordeari, eta horrek erabakiko du eskabidea egin duena elkartean onartu ala ez. Erabakiaren aurkako gorako errekurtsioa jar dakioko Batzar Orokorrari. Idatzi beharrean eskaera inprimakia aurkeztu daiteke Elkartearen bide telematikoen bidez.

#### BAZKIDEEN ESKUBIDEAK ETA BETEBEHARRAK

30. artikulua.- Elkarteko bazkide guztiek honako hauek denak egiteko eskubidea dute:
- Elkarteei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko 40 eguneko epean.
  - Elkartearen gobernu- eta ordezkaritza-organoen osaerari, elkartearen kontu-egoerari eta elkartearen jardueri buruzko informazioa jasotzea.
  - Elkarteko beste bazkideen nortasuna, diru-sarreraren eta gastuen egoera, eta elkartearen ekintzen garapenaren berri edozein unetan izatea, datu pertsonalak babesteko arautegian aurreikusitako moduan.
  - Batzar orokorretarako deiak jasotzea, batzar orokorretara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
  - Elkartearen Estatutu hauen arabera, elkarteko zuzendaritza-organoen parte hartzea eta organo horietarako hautatzaile nahiz hautagai izatea. Alabaina, bazkide sinpatizanteak, aldiz, hautatzaileak izan daitezke, baina inolaz ere hautagaiak.
  - Indarrean dauden legeetan zehaztutako bazkideen fitxategian agertzea, eta elkartearen ikurra, baldin badu behintzat, erabiltzea.
  - Estatutuen eta, egonez gero, barne-araudiaren ale bana edukitzea fisikoki, edo Elkartearen bide telematikoen bidez, eta zuzendaritza-organoei eskakizunak eta kexak aurkeztea.
  - Elkartearen talde-ekintza sozialetan parte hartzea, eta bazkideentzako tresnak erabiltzea (elkartearen egoitza, liburutegiak, eta abar). Era berean, Zuzendaritza Batzordearen kontrolpean dauden hedatze bide elektronikoak eskuratzea, eta beharrezkoa balitz sartzeko gakoak ezagutzea.
  - Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
  - Edozein unetan baja ematea. Hala ere, hartu bai baina bete gabe dituzten konpromisoak bete beharko dituzte. Informazioa bidali eta jasotzeko bidezko modua posta elektronikoa izango da, beraz, bazkideak bere helbide elektronikoa ezagutarazi eta eguneratzeko beharra izango du.
31. artikulua.- Bazkideen betebeharrak hauek dira:
- Elkartearen helburuekin bat etortzea eta helburu horiek betetzen laguntzea.
  - Kuotak, derramak eta Estatutuen arabera bazkide bakoitzari dagozkion bestelako ekarpenak ordaintzea. Kuota, justifikatu gabe, ez ordaintzeak zigorra izango du, neurri ezberdinetan, bazkide izatearen galtzeraino heltzen.

- c) Estatuetatik eratorritako bestelako betebeharrak betetzea.
- d) Elkartek egindako ekintzetan parte hartzen denean sor daitekeen erantzukizun zibila onartzea.
- e) Elkarteko zuzendaritza-organismoek baliotasunez hartutako erabakiei men egin eta erabaki horiek betetzea.
- f) Behin eta berriro ez ordaintzea edo bazkide bezala baja ematea idatzi arruntaz edo posta elektronikoaz komunikatzea.

#### BAZKIDE IZATEARI UZTEA

32. artikulua.- Bazkide izateari uzteko arrazoiak honakoak izango dira:

- a. Hil egitea (edo, pertsona juridikoen kasuan, desegitea).
- b. Bazkidea bere borondatez joatea.
- c. Arrazoi hauengatik, bazkide izateari uzteko zigorra jasotzea: Estatuetatik eratorritako betebeharrak eta Batzar Orokorrak edo Zuzendaritza Batzordeak baliotasunez hartutako erabakietan ezarritako betebeharrak nahita eta behin eta berriz hausteagatik.

#### ZIGOR-ARAUAK

33. artikulua.- Bazkideek behin eta berriz hausten badituzte Estatutuak edo Batzar Orokorrak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zigortu ahal izango ditu.

15 egunetik hilabetea bitarte eskubideak kentzetik elkartetik betiko kanporatzea izan daiteke zigorra, ondorengo artikuluek adierazitako moduan.

Horretarako, zigorgarriak izan daitezkeen jokabideak aztertzeko ikerketa egin dadila erabaki dezake lehendakariak. Ikerketaren instrukziogilea idazkaria izango da, eta berak proposatuko dizkio Zuzendaritza Batzordeari hartu beharreko neurriak.

Zigorra ezartzeko ahalmena Zuzendaritza Batzordeak izango du, idazkariak ez du horretan parte-hartzerik izango (instrukziogilea delako), eta zigorra ezarri aurretik interesdunari idazki bat bidaliko zaio bazkideari leporatzen zaizkion karguen berri eta dagozkion zigorrak emanez. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritzak Batzordearen lehenengo bilkurako gai-zerrendan sartuko da kasua, eta batzordeak hartuko du erabakia. Zigortzeko erabakia arrazoitu egin beharko da beti, eta erabaki horren aurkako errekurtsioa jarri ahalko zaio Batzar Orokorrari.

Elkartetik kanporatzeko erabakia interesdunari jakinaraziko zaio eta, era berean, hurrengo ezohiko batzar orokorrean errekurtsioa aurkez dezakeela azalduko zaio. Hiru hilabeteren barruan batzar horretarako deirik egiten ez bada, errekurtsioa ebazteko batzarrerako deia egin beharko da. Bitartean, Zuzendaritza Batzordeak inputatuari bazkide-eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Batzar Orokorrari kanporatzeko espedientea aurkeztuz gero, idazkariak espedientearen laburpena egingo du, Zuzendaritza Batzordeak interesdunak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagozkion erabakia har dezan.

34. artikulua.- Kanporatzeko erabakia arrazoitu egin behar da beti, eta erabaki hori interesdunari jakinarazi behar zaio. Interesdunak, eskubideaz baliatuz, auzitegiara jo ahal izango du bere ustez erabakia legearen edo Estatutuen aurkakoa bada.

35. artikulua.- Bazkideren bati kanporaketaren berri ematerakoan —berak nahi izanda edo zigorra ezarri zaiolako— bete gabe dituen betebeharrak bete ditzala eskatuko zaio.

## LAUGARREN KAPITULUA

### SOZIEATE-ONDAREA ETA AURREKONTU-ARAUAK

36. artikulua.- Elkartearen sozietate ondarea 160eurokoa da.
37. artikulua.- Elkarteak, bere jarduerak aurrera eramateko, diru-baliabide hauek aurreikusten ditu:
- Sarrera-kuotak.
  - Erabakitzen diren aldizkako kuotak.
  - Elkartearen ondasun eta eskubideetatik datozen emaitzak, eta legez jasotzen dituen diru-laguntzak, legatuak eta dohaintzak/herentziak.
  - Zuzendaritza Batzordeak Estatutuen helburuak lortzeko egin beharrekotzat jotzen dituen jarduera zailegietatik datozen diru-sarrerak.
- Elkarte- eta ekonomia-ekitaldia urtekoa izango da, eta urte bakoitzeko abenduaren 31(e)(a)n itxiko da.
- Jarduera ekonomikoak gauzatuz (zerbitzuak ematea barne) elkarteak lortzen dituen irabaziak bere helburuak betetzeko baino ez dira erabili behar. Inola ere ezingo dira elkartekideen artean banatu, ez eta haien ezkontideen edota haiekin antzeko afektibitate-harremanean bizi diren pertsonen artean eta haien senideen artean ere. Ezingo zaizkie, halaber, irabazteko asmoa duten pertsona juridiko edo fisikoei doan laga.

## BOSGARREN KAPITULUA

### ESTATUTUAK ALDATZEA

38. artikulua.- Estatutuak aldatzea Bazkideen Batzar orokorrean erabaki behar da. Zuzendaritza Batzordeak hiru bazkidek osatutako batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta Zuzendaritza Batzorde berak jarriko du egitasmoa amaitzeko epea.
39. artikulua.- Aldaketa-egitasmoa epe barruan idatzi eta gero, lehendakariak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du edo, bestela, lantaldeari itzuliko dio, berriz aztertu dezan.
- Egitasmoa onartuz gero, Zuzendaritza Batzordeak hurrengo batzar orokorreko gai-zerrendan sartzea erabakiko du edo, bestela, horretarako propio batzar orokor baterako deia egitea.
40. artikulua.- Batzarrerako deiarekin batera, Estatutuetak aldaketen testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa horiek Batzar Orokorrari helaraziko zaizkio, batzarra egin baino zortzi egun lehenago jaso badira Idazkaritzan.
- Zuzenketak banaka nahiz taldeka egin daitezke, idatziz, eta aukerako beste testu bat izan behar dute. Zuzenketak bozkatu ostean, Batzar Orokorrak Estatutuak aldatzeko erabakia hartuko du, eta Elkartearen Erregistro Orokorrean inskribatzen denetik aurrera baino ez du eragina izango hirugarrenengan.

## SEIGARREN KAPITULUA

### ELKARTEA DESEGITEA ETA ELKARTE-ONDAREAREN ZERTARAKOA

41. artikulua.- Elkartearen arrazoi hauengatik desegingo da:
- Bazkideek hala nahi dutelako. Nahi hori horretarako bildutako ezohiko batzar orokorrean azaldu behar dute.
  - Estatutuetak finkatutako epea edo baldintza bete delako.



- c. Beste elkarteren batek xurgatu duelako edo beste elkarte batzuekin bat egin duelako.
- d. Legez ezarritako gutxieneko bazkide-kopururik ez duelako.
- e. Ebazten judiziala irmo batek elkarte desegitea agintzen duelako.
- f. Elkarteren helburuak betetzea ezinezkoa delako.

42. artikulua.-

Elkarte deseginez gero, desegiteko erabakia hartu duen Ezohiko Batzar Orokorrak Kitapen Batzordea izendatuko du. Batzorde hori Zuzendaritza Batzordeko kidek osatuko dute eta dagoen diruaz arduratuko da.

Bazkideekiko eta besteekiko elkarte-betebeharrak bete ondoren, geratzen den elkarte-ondarea, geratzen bada behintzat, irabazi-asmorik gabeko elkarte bati edo irabazi-asmorik gabeko ekimenera bati eman beharko zaio.

#### AZKEN XEDAPENA

Estatutu hauek garatzeko asmoz, Batzar Orokorrak barne-araudia onartu ahal izango du, baina horrek inolaz ere ez ditu Estatutuetako aginduak aldatuko.